

王氏合校水經注

冊八

水經注卷十二

長沙王氏校本

後魏酈道元撰

聖水 巨馬水

聖水出上谷

朱箋曰孫云聖水今琉璃河趙釋曰一清案此條經文疑有脫誤方輿紀要房山縣西大房山古碑云幽冀之奧室也山下有聖水泉西南有伏龍

穴一名龍城峪湯泉出焉又有孔水洞在山之東北懸崖千尺石竇如門深不可測與酈氏注所云略皆彷彿房山縣本漢良鄉范陽二縣地並屬涿郡又兼得廣陽國之薊縣於上谷無與漢上谷郡治沮陽縣其故城在今保安州東古涿鹿之地濕水注云涿水枝分入匈奴者為涿耶水而是篇注云在上谷為涿耶水應劭以為出上谷涿鹿縣是已下文注云聖水南流歷縣西轉即良鄉縣也

故燕地

官本曰案近刻訛作也訛趙改刊誤曰也當作地

案朱

秦始皇二十三年置上谷郡王隱

晉書地道志曰郡在谷之頭故因以上谷名焉王莽更名朔調

也

官本曰案更近刻作改案朱趙作改

水出郡之西南聖水谷東南流逕

大防嶺之東首山下有石穴東北洞開高廣四五丈入穴

轉更崇深穴中有水耆舊傳言昔有沙門釋惠彌者好精物隱

嘗篝

趙作篝

火尋之傍水入穴二里有餘穴分為二一穴殊小

朱無一字

箋曰謝云宋本二下有

西北出不知趣詣一穴西南出入穴經五六日

方還官本曰案穴近刻訛作水案朱趙作水

又不測窮深其水夏冷冬温春秋有白魚

出穴數日而返人有採捕食者美珍常味蓋亦丙穴嘉魚之類

也官本曰案類上近刻衍流字案朱趙有

是水東北流入聖水聖水又東逕

玉石山謂之玉石口山多珉玉燕石故以玉石名之其

水伏流里餘潛源東出又東頽波瀉澗一丈有

餘屈而南流也

官本曰案近刻脫南字案朱脫趙增刊誤曰而下落南字

東過良鄉縣南

聖水南流歷縣西轉又南逕良鄉縣故城西王

莽之廣陽也有防水注之水出縣西北大防山南

而東南流逕羊頭阜下俗謂之羊頭溪

官本曰案謂近刻作為案朱

同趙改刊誤曰為當作謂

其水又東南流至縣東入聖水聖水又

南與樂水合水出縣西北大防山南

官本曰案山南近刻訛作南山案朱訛

趙乙刊誤曰南山當倒互孫潛校改

東南流歷縣西而東南流注聖水聖

水又東逕其縣故城南

朱趙不重聖水二字

又東逕聖聚南

官本曰案

聖聚近刻訛作聚聖

案朱訛趙乙刊誤曰聚聖二字當倒互

蓋藉水而懷稱也又東與俠

朱作挾

曰宋本作俠趙改俠

河合水出良鄉縣西甘泉原東谷東逕西

鄉縣故城北王莽之移風也世謂之都鄉城案地理志涿

郡有西鄉縣而無都鄉城蓋世傳之非也又東逕良鄉城

南又東北注聖水世謂之俠

朱作挾箋曰挾宋本作挾趙改挾

活河又

名之曰非理之溝也

朱趙作非灤刊誤曰箋曰灤一作理案灤理音同傳寫之差灤水即濕水注云涿水自涿鹿縣東注濕水

此云非灤之溝蓋未與濕水合也

又東過陽鄉縣北

官本曰案陽近刻作長蓋後人所改清案晉志范陽國有長鄉縣魏志作萇鄉全氏曰當是陽鄉細

案朱趙作長趙釋曰一

玩注文可見

聖水自涿縣東與桃水合水首受涑水于徐城

東南良鄉西分垣水

官本曰案垣近刻訛作垣當作垣下同趙改垣首上無水字

世謂

之南沙溝

官本曰案沙近刻訛作涉案朱趙作涉

即桃水也

官本曰案桃原本及近刻並訛作杭考漢志涿縣下云桃水首

水

經

注

卷十一

一

中華書局聚

受涑水分即此今改正 案朱訛趙改刊誤曰箋曰汝澄曰杭水疑作范水涑之為范陽郡蓋亦取於此案非也漢書地理志涑縣下云桃水首受涑水分東至安次入河又良鄉縣下云涑水南東至陽鄉入桃 桃杭字近致譌 東逕涇縣北 朱箋曰孫云涇 古道字 又東逕涑縣故

城下與涑水合世以為涑水 官本曰案為近刻訛 又亦謂

之桃水 趙刪 又字 出涑縣故城西南 趙增水字刊誤 奇溝東入

里大坎下數泉同發東逕桃仁墟北或曰因水

以名墟則是桃水也或曰終仁之故居非桃仁

也 官本曰案仁近刻訛作水 案朱訛趙改刊誤曰桃水是桃仁之誤詳本卷趙釋曰一清

案桃仁乃高雲偉臣墟以人得名又傳是終仁之故居故云非桃仁也今本誤以桃仁為 桃水文義 遂難通曉 余案地理志桃水上承涑水此水所發不

與志同謂終為是又東北與樂堆泉合水出堆

東東南流注于涑水涑水又東北逕涑縣故城

西 朱趙有流 字 注于桃應劭曰涑郡故燕漢高帝六年

置其南有涑水郡蓋氏焉 官本曰案近刻脫郡 闕駟亦言

是矣今于涑城南無水以應之所有惟西南有

是水矣應劭又云涿水出上谷涿鹿縣余案涿

水自涿鹿東注灤水官本曰案灤近刻訛作濕下同案朱訛趙改灤水東南逕

廣陽郡與涿郡分水漢高祖六年分燕置涿郡

涿之為名當受涿水通稱矣故郡縣氏之但物

理潛通所在分發故在匈奴為涿耶水官本曰案匈奴近刻訛作山谷

案朱作山谷箋曰埤案十三卷注云涿水枝分入匈奴者謂之涿耶水趙改上谷刊誤曰山谷當作上谷濕水經云又東過涿鹿縣北酈氏以涿水釋之漢志涿鹿縣屬上谷郡蓋在上谷

郡為涿水而經廣陽郡者即聖水名因地變也山川阻闕竝無沿注之理所在受

名者皆是經隱顯相關遙情受用以此推之事

或近矣而非所安也桃水又東逕涿縣故城北

王莽更名垣趙釋曰一清案漢志莽改涿郡曰垣翰而涿縣下無說此當是垣翰亭落亭字漢志注亦闕此文晉大始元年

改曰范陽郡今郡理涿縣故城城內東北角有晉康王碑城東

有范陽王司馬虓廟碑官本曰案司馬近刻訛作司寇案朱訛趙改刊誤曰晉書列傳范陽康王綏子虓司寇當作司馬黃省曾本校

桃水又東北與垣水會水上承涑水于良鄉縣

分桃水

官本曰案承近刻訛作分訛作之案朱趙同

世謂之北沙溝

官本曰案沙近刻訛作涉案朱趙同

故應劭曰垣水出良鄉東逕垣縣故城北史記

音義曰河間有武垣縣涿有垣縣漢景帝中三年封匈奴降王

賜為侯國

趙刊誤曰箋曰賜古本作勝案史記漢書皆作賜趙釋曰一清案漢志垣縣屬河東郡武垣縣屬涿郡續志河閒國武垣故屬涿今注所引音義云云豈別有

說乎又史表垣侯賜索隱曰縣名屬河東則非涿之武垣可知善長又誤武垣城在河閒府西南三十八里去涿甚遠水道亦無相通之處恐當涿郡又自有垣縣也一統志垣城在涿州北

王莽之垣翰亭矣世謂之頃城非也又東逕頃

趙釋曰一清案此下有脫文

亦地名也故有頃上言

趙釋曰一清案三字疑有誤

世名之頃前河又東

洛水注之水上承鳴澤渚渚方

朱趙有一字

十五里漢武

帝元封四年行幸鳴澤者也服虔曰澤名在迺縣北界即此澤

矣西則獨樹水注之水出迺縣北山東入渚北

有甘泉水注之水出良鄉西山

朱趙無水字

東南逕西

鄉城西而南注鳴澤渚

官本曰案近刻脫鳴字鳴字刪水字刊誤曰當作鳴澤渚水字衍文

案朱作澤渚水趙增

渚水東出為洛水

官本曰案近刻脫渚水東出為洛六字案朱趙無

又東逕西鄉城

南又東逕垣縣而南入垣水垣水又東逕涿縣

北東流注于桃故應劭曰垣水東入桃闕駟曰

至陽鄉注之趙釋曰漢志涿郡良鄉縣垣水南東至陽鄉入桃一清案南東當作東南今案經脈而不

能屈也桃水東逕陽鄉官本曰案逕近刻訛作入案朱趙作人東注聖水趙釋曰漢

志涿郡涿縣桃水受首涑水分東至安次入河一清案蓋由聖水以注於巨馬河也受首當作首受聖水又東廣陽水注

之水出小廣陽西山東逕廣陽縣故城北又東

福祿水注焉水出西山東南逕廣陽縣故城南

東入廣陽水亂流東南至陽鄉縣右注聖水聖

水又東南逕陽鄉城西不逕其北矣縣故涿之陽

亭也地理風俗記曰涿縣東五十里有陽鄉亭後分爲縣王莽

時更名章武卽長鄉縣也案太康地記涿有長鄉而無陽鄉矣

聖水又東逕長興城南趙釋曰沈氏曰疑是長鄉又東逕方城縣

故城北官本曰案近刻脫北字案朱趙無孫校曰方城今固安縣李牧伐燕取方城是也魏封劉

放為侯國聖水又東左會白祀溝溝水出廣陽縣

之婁城東東南流左合婁城水水出平地導源

東南流官本曰案源近刻訛作泉案朱訛趙改刊誤曰泉當作泉右注白祀水亂流東南

逕常道城西故鄉亭也西去長鄉城四十里魏少帝璜廿

露三年所封也趙釋曰一清案魏少帝璜以甘露三年封為常道鄉公甘露是高貴鄉公紀年此句詞意甚晦又東南入

聖水聖水又東南逕韓城東詩韓奕章曰溥彼韓城

燕師所完王錫韓侯其追其貊奄受北國鄭玄曰周封韓侯居

韓城為侯伯言為檢夷所逼稍稍東遷也王肅曰今涿郡方城

縣有韓侯城世謂之寒號城官本曰案近刻脫之字城字案朱脫趙增刊誤曰謂下落之字寒號下落城字非也

聖水又東南流右會清淀水水發西淀東流注

聖水謂之劉公口也

又東過安次縣南東入于海孫校曰安次今順天東安

聖水又東逕勃海安次縣故城南漢靈帝官本曰案近刻訛作桓帝

案朱趙作桓中平三年官本曰案近刻訛作二年案朱趙作二年封荊州刺史王敏為侯國趙釋曰一

字誤後漢書靈帝紀中平三年江夏兵趙慈反殺南陽太守秦頤六月荊州刺史王敏討趙慈斬之蓋以有功封也二年亦是三年之誤沈氏校本摘中平非桓帝紀年蓋考之不盡

又東南流注于巨馬河而不達于海也

巨馬河出代郡廣昌縣涑山

即涑水也有一源俱發涑山東逕廣昌縣故城

南王莽之廣屏矣官本曰案矣字近刻訛在下句國字下案朱同魏封樂進

為侯國涑水又東北逕西射魚城東南而東北

流又逕東射魚城南又屈逕其城東竹書紀年曰

荀瑤伐中山取窮魚之邱窮射字相類疑即此城也所未詳矣

涑水又逕二女亭西又逕樓亭北左屬白澗溪

水有二源合注一川川石皓然望同積雪故以物色受

名其水又東北流謂之石槽水朱作曹趙改槽刊誤曰曹當作槽樂史云孟門山一名石槽河

伏流地下溢則通津委注官本曰案近刻訛作溺案朱作溺箋

曰李云疑作溢
趙改溢

謂之白澗口涑水又東北桑谷水注之

水南發桑溪

官本曰案近刻脫桑字
案朱脫趙增刊誤曰溪上落桑
字鮑邱水注云桑谷水注之蓋沿出桑谿故也可證

北注

涑水涑水又北逕小蠻東又東逕大蠻南蓋霍

原隱居教授處也

官本曰案近刻脫居字
案朱脫趙增刊誤曰
下云徐廣云原隱居廣陽山此落居字

徐廣云原隱

居廣陽山教授數千人為王浚所害

官本曰案近刻訛作召
案朱
訛趙改刊誤曰召全氏校改害雖千

古世懸猶表二蠻之稱既無碑頌竟不知定誰居也

朱箋曰埤案晉
書霍原字休明

燕國廣陽人山居積年門徒百數元康年徵賢良不到後王浚稱制謀僭使人
問之原不答時有謠曰天子在何許近在豆田中浚以豆為藿收原斬之

涑水又

東北歷紫石溪口

朱箋曰謝云東北下一作
又東流歷紫石溪口

與紫水合水北

出聖人城北大巨下東南流左會磊砢溪水

官本
曰案

磊近刻訛作疊
案朱作疊趙改疊刊誤曰疊吳瑄本作
壘壘砢亦作磊砢上林賦云水玉磊砢王篇衆小石貌

蓋山崩委澗積石淪隍

故溪澗受其名矣水出東北西南流注紫石溪水

紫石溪水又逕聖人城東又東南右會檐

趙作檐下
同

車水水出檐車硯

官本曰案車近刻訛作石
案朱訛
趙改刊誤曰石黃省曾本作車

東南流逕

聖人城南

官本曰案近刻作城東南案朱作東南城趙改刊誤曰箋曰謝云宋本作聖人城北又逕城東北此檐車水流逕城南

南流注於紫石水城之三面皆水之會也

南流注紫石水又南注于

涑水涑水又東南逕榆城南又屈逕其城東謂

之榆城河涑水又南逕藏刀山下層巖壁立直上

朱作

長箋曰宋本作直上干霄趙改上

干霄遠珍圭崖側有若積刀鑲鑲相比咸悉西首涑

水東逕徐城北故瀆出焉

官本曰案近刻脫故瀆二字案朱脫趙增沙溝二字刊誤曰出焉上落沙溝二字

世謂之沙溝水又東督亢溝出焉

朱箋曰宋本作又東合督亢溝

一水

東南流即督亢溝也一水西南出即涑水之故

瀆矣

官本曰案近刻脫水字案朱作涑之趙改涑水無之字刊誤曰之當作水

水盛則長津宏注水

耗則通波潛伏重源顯于迺縣則舊川矣

官本曰案近刻訛作

舊則川矣案朱趙同

東過迺縣北

孫校曰迺縣今涑水屬保定府

涑水上承故瀆于縣北垂重源再發結爲長潭

水

經

注

卷十二

六

中華書局聚

潭廣百許步長數百步左右翼帶涓流控引衆

水官本曰案近刻脫衆字案朱脫衆字趙刪水字刊誤曰箋曰控引下落其字案非也水字衍文自成淵渚長川漫

下十許里官本曰案近刻訛作十一許步案朱同趙乙不改步字刊誤曰十一當倒互各勝志校東南流逕迺

縣故城東官本曰案近刻脫迺字案朱脫趙增刊誤曰縣上落迺字漢景帝中三年以封匈奴

降王隆疆爲侯國趙釋曰一清案漢表作陸疆此從史表王莽更名迺屏也謂之巨

馬河亦曰渠水也又東南流袁本初遣別將崔巨朱作臣箋

曰魚豢典略作崔巨業趙改巨業攻固安不下退還公孫瓚追擊之于巨馬水死者

六七千人卽此水也又東南逕范陽縣故城北易水

注之趙釋曰實字記易州易縣加夷城下引水經云巨馬水流逕加夷山卽睽子於山中養無目父母之所也今本無之

又東南過容城縣北孫校曰容城今屬保定府在府東北九十里

巨馬水又東酈亭溝水注之水上承督亢溝水

于迺縣東南流歷紫淵東余六世祖樂浪府君自

涿之先賢鄉爰宅其陰西帶巨川東翼茲水枝流津通纏絡墟

圖匪直田漁之贍可懷信爲遊神之勝處也其水東南流
又名之爲酈亭溝其水又西南轉歷大利亭南
入巨馬水又東逕容城縣故城北又東督亢溝
水注之水上承涑水于涑谷引之則長津委注
過之則微川輟流水德含和變通在我東南流
逕迺縣北又東逕涿縣酈亭樓桑里南卽劉備之
舊里也又東逕督亢澤澤苞方城縣縣故屬廣陽後
隸于涿郡國志曰縣有督亢亭孫暢之述畫有督亢地圖言燕
太子丹使荆軻齎入秦秦王殺軻圖亦絕滅地理書上古聖賢
冢地記曰督亢地在涿郡今故安縣南有督亢陌幽州南界也
風俗通曰沆漭也言乎淫淫漭漭無崖際也沆
澤之無水斥鹵之謂也其水自澤枝分東逕涿
縣故城南又東逕漢侍中盧植墓南又東散爲

澤渚督亢澤也北屈注于桃水

朱趙注作滙趙刊誤曰箋曰滙宋本作注案滙本作滙尚書孔

傳曰滙迴也不得改爲注

督亢水又南謂之白溝水南逕廣陽亭

西而南合枝溝

官本曰案南合近刻訛作合南曰謝云宋本作而合南枝溝案合字當在南字下

案朱訛趙乙刊誤曰箋溝

水西受巨馬河東出爲枝溝又東注白溝白溝

又南入于巨馬河

朱箋曰孫云白溝今在新城縣南巨馬河之下流也

巨馬河又東南

逕益昌縣

孫校曰今永清

護淀水右注之水上承護陂

趙護改護

刊誤曰護當作護

于臨鄉縣故城西東南逕臨鄉城南

官本曰案近刻脫城

字案朱脫趙增說見下

漢封廣陽頃王子雲爲侯國

官本曰案近刻脫頃字雲訛作須案朱脫訛趙增改刊誤曰漢書王子

侯表臨鄉頃侯雲廣陽頃王子元帝初元五年封臨鄉下落城字廣陽下落頃

地理王風俗

記曰

官本曰案近刻脫風俗二字誤曰地理下落風俗二字黃省曾本校增

案朱脫趙增刊

方城南十里有臨鄉城故

縣也

官本曰案此下近刻有城南十里四字係衍文案朱衍趙刪刊誤曰四字衍文

淀水又東南逕益昌

縣故城西南入巨馬水巨馬水東逕益昌縣故

城南漢封廣陽頃王子嬰爲侯國

趙釋曰一清案漢表嬰以元帝永光三年封

王莽之有

秩也地理風俗記曰方城縣孫校曰今固安東八十里有益昌城故縣也

又東八丈溝水注之水出安次縣東北平地官本

此下近刻衍泉字案朱衍趙刪刊誤曰泉字衍文孫校曰安次今東安東南逕安次城東東南逕泉

州縣故城西官本曰案泉近刻訛作東案朱訛趙改刊誤曰此是漢漁陽郡之泉州縣非勃海郡之東州縣也黃省曾本校改又南

右合滹沱河枯溝溝自安次西北東逕常道城

東安次縣故城西晉司空劉琨所守以拒石勒也又東

南至泉州縣西南孫校曰泉州今鄆縣及寶坻東入八丈溝又南入

巨馬河官本曰案此二十字原本截上十六字訛作經下四字仍屬注文近刻並爲注朱箋曰原本以又東南至又南十六字作經文以入巨馬河亂流東注也作

注文謝耳伯云宋本又東南至注也二十五字接石勒也俱作注文亂流東注也

又東過勃海東平舒縣北東入於海孫校曰東平舒今大城

地理志曰涑水東南至容城入于河官本曰案近刻訛作海案朱訛趙刪海

字以下文河字屬此句讀刊誤曰漢書地理志作入河海字衍文河卽濡水也官本曰案此謂南濡蓋互朱作升箋

本作互以趙改互以明會矣巨馬水于平舒城北官本曰案近刻脫城字案朱脫趙增刊